

四庫全書

集部

欽定四庫全書

集部

淵穎集卷二

詳校官庶吉士臣初喬齡

侍讀臣孫球覆勘

總校官編修臣王燕緒

校對官中書臣宋枋遠

謄錄監生臣薩龍光

欽定四庫全書

集部五

淵穎集

別集類四 元

提要

臣等謹案淵穎集十二卷元吳萊撰萊字立夫浦陽人延祐中復科舉之制以春秋貢於鄉試禮部不第後以薦署饒州路長鄉書院山長未行而卒年僅四十四其門人金華宋濂等私謚為淵穎先生據其謚議取經義元

深為淵文詞貞敏為穎也萊與黃潛柳貫並
受業於宋方鳳再傳而為宋濂遂開明代文
章之派故年不登中壽身未試一官而在元
人中屹然負詞宗之目與潛貫相埒遺稿甚
夥濂為摘其有關學術議論之大者編為斯
本青田劉基序之碑文謚議一卷別為附錄
張綸林泉隨筆曰吳立夫諭倭書蓋其十八
歲時所作規模仿司馬相如諭蜀文其末所

述諭其王之言雖古之辨士莫能過也其他
大游觀日兩賦與夫形釋秦誓論補牛尾歌
詞等篇皆雄深卓絕真先秦先漢間作者黃
潛亦稱其文嶄絕雄深類秦漢間人皆未免
濫量胡助謂他人患其淺陋而萊獨患其宏
博斯篤論矣王士禎論詩絕句有曰鐵崖樂
府氣淋漓淵穎歌行格儘奇耳食紛紛說開
寶幾人眼見宋元詩實舉以配楊維禎士禎

所選七言古詩乃錄萊而不錄維禎蓋維禎
為詞人之詩萊則詩人之詩恃氣縱橫與覃
思治煉門戶固殊士禎論詩絕句作於任楊
州推官時而古詩選一書則其後來所定所
見又深也乾隆四十六年九月恭校上

總纂官

臣紀昀 臣陸錫熊 臣孫士毅

總校官

臣陸費 墀

淵穎集序

太上有立德其次有立功其次有立言三者不同苟有一焉皆足以立乎天地之間而無愧於為人矣自世之言者陋文章之習而高德行之士伸一人於千萬人之上其意將以懲夫末流之敝云爾非所以顯道神德行也古之聖人德脩於身矣而又欲天下皆如吾身之脩也豈惟天下皆如吾身之脩哉而又欲後世皆如吾身之脩也天下盡乎人矣吾身可以及之後世非止乎今

也吾身烏得而及之是則吾德之所被而吾功之所樹者亦輯矣然聖人必欲使天下後世皆有以及焉則立言其可少哉六經聖人之文也所以為天地立心為生民立命為萬世開太平者非細故矣由是以降苟非申韓之刑名管商之功利儀秦之捭闔孫吳之陰謀楊朱墨翟老莊釋氏之淫辭邪說則凡是非不說於聖人者其於人心世教豈盡無所裨益哉翰嘗讀賈誼董仲舒之文而恨當世不能盡用及觀揚雄之太玄法言又歎

時人少有知者以為豪傑之不遇大率如斯故不待論
其言之傳否而深為有國者惜之南北混一以來朝廷
太平之治垂及百年仁恩福澤結在人心而紀綱法度
寢不能無弛先生當延祐天歷之間嘗慨然有志當世
之務矣其擬諭白本書蓋其十八時所作也人謂其有
終軍王褒之風其論守令鹽筴楮幣事逮今十有餘年
執政者矚而正之往往多如其說先生析辭指事援筆
頃刻數百言馳騁上下要不失乎正雖處山林未嘗忘

情天下使其在官守言責之列推明古者所以立極成
化之道為吾君吾相言之當不止是也而先生命不與
時偶器不求人售素又羸弱多疾未中歲而早卒今之
著于篇者殆猶未盡其蘊也初浦江有宋儒者曰方韶
父先生師法為學者所宗知名之士如侍講待制柳公
皆出其門晚得先生尤奇其才而以斯文望焉先生貌
寢陋言語若不出諸口而敏悟過人得於天性少嘗從
族父幼敏家竊取書觀之族父知而叩之靡不成誦博

聞強記與之游者皆自以為不及會有司舉進士遂以
春秋中鄉試北至燕東浮于海好為瑰奇雄偉之觀見
人固守章句意頗陋之然則先生之所負抱者為何如
哉惜其學不見於用而世之知者鮮也門人宋濂懼其
泯而不傳迺彙次其詩文為集若干卷俾翰為之序嗚
呼翰昔受教於先生竊觀先生之所以用其心者期以
立乎天地之間無愧於為人焉耳烏暇較一世之短長
哉故論而序之信是集之不可不傳也先生諱萊字立

夫至正十有二年秋八月二十六日門人金華胡翰謹
序

欽定四庫全書

淵穎集卷一

大游賦

并序

元 吳萊 撰

毗陵道士盛允升東游會稽予聞其風神穎異被服蕭
然蓋將自是而汗漫六合者也張君子長約同送之賦
用是作遂題曰大游

夫何一高士兮獨曠視乎八區朝吾車之夙駕兮夕予

至於清都仰天路之迢遞兮挾陵陽而與俱遡剛風而
顛倒景兮浮沆瀣而喻青霞蜚廉起而前導兮擊靈霞
使後驅素蜺天矯而為纓第兮神鳳襪襪以揭旂恍大
游之所歷兮撫四海其無家惜塵濁之不可以止息兮
吾將抵乎崑崙之遺墟嗟東轅之我顛兮探宛委之嵌
穴帝禹告予以所藏兮發濤江之漲雪登桐栢之蘄巖
兮瞰赤城之嶠嶢颿蓬嶠而我欲徑到兮恐蜃樓之明
滅歟南轉而弭節兮過瀟霍之層峰放盛唐之滙怒兮

梁魚鼈而躡蛟龍倚巫峽之臺觀兮莽峨嵋之雲松汧
丹丘予定不死兮躋羽國以從容忽浩歌而西邁兮適
金天之沃野遵黃河而跋石室兮王母被髮以嘯處尋
泰一與九嶷兮貫華陰之幽岵招韓衆而許度世兮固
肉人之弗遑遽覩廼北折而亟去兮出鴈門之嚴寒恒
嶽繇亘乎不絕兮縋碣石於瀾漫搜赤鳥於遺榛兮簸
樓船乎狂瀾候鷄鳴而直上日觀兮吾特痛夫僊學之
艱難伊天地之晦冥兮修陵谷之遷徙遭女媧之陟阜

兮顧嵩少之崛起經陽都之酒家兮躋王屋之石髓披
河上之靈詮兮摘漆園之奧指惟小別而千齡兮復一
瞬以萬里劃孤鳥之丘垤兮洞蟪蛄之年紀心委蛇而
自神兮形曠蕩其離滓信吹萬之不同兮恒抱一以終
始胡久居乎寰內兮欲絕出於大荒板建木而與為陟
降兮絙鐵鏐於無旁瞻帝車之中運兮闕閭闔以上征
屈軒轅之蹇伏兮耿招搖之耀鉉引弧井之壘落兮炫
奎壁之圖章繡龍漢之寶厯兮徹鬱藍之神鄉幸真身

於一氣兮卒齊壽於三光宜凡夫之穢濁兮又孰契夫
大道而翱翔自放懷於天外兮眇累塊於千億惕世途
之嶮巖兮危螽蟴之營役豈耽名而嗜利兮或酣酒而
溺色諒金石之銷泐兮竟丘壘之堆積嘆吉雲之鉅數
兮縲步景而我服歎甘露之靈蘂兮和水玉以為食彼
榮精之有書兮吾尚懼夫青籙之弗得將藥珠之不遠
兮盡蜎蜎而莫識懿周流而至此兮聿笑傲以言旋樂
自然之日月兮攬無鞅之風烟壓洞庭之浩渺兮展林

屋之聯絲龍威蚺蟻而跼踞兮寶鎮晃朗而瑛鮮廼霄
崢之欲拊兮覺鼎竈之猶然燭大還而蟬蛻兮擊小有
以鶴翩躬虛無而不宅兮味澹泊以為淵等古今於一
軌兮混生死其同屬儼坐在而立蛻兮蘊執袂與拍肩
真山澤之一臞兮夫豈論乎三廬暨九仙固道術之所
致兮曷曲詢而究旃馳箋語而往訣兮却永存於上玄
海東洲盤陀石上觀日賦

粵東游乎海徼兮得偉觀於陽阿登盤陀之疊石兮路

嵬嶮以巍哉天雞號而夜半兮噉欲出於重波恍玄幕
之沉黑兮惚火輪之蕩摩緬義和之有御兮扶木煜其
將花渺湯谷之不可以里兮屆高春其幾何嗟世寰之
安在今尚昧冥而未旦睹帝車之邪迤兮耿星宿於霄
漢漸島嶼之翳鮮兮益淼茫而瀾漫恐闌闌之猶爾夢
寐兮類蟄蟲之惛亂胡乾極之牽掣兮儼機軸之翕張
固陰泉之燐炯兮煥潜燧之奮颺煒跋扈之燿燿燦爛
兮渴喙解羽貌以迭碣馘燭龍之燬炳颯昱兮熾頌煽

目頽其方驤縣燔鏡之熒灼炭焙兮鮫人泉客耐濯有
光振頽鼓之焱燼炫輝兮北落壁壘巖嶙前行指綵虹
之抱戴珥璫兮璀璨燿爛繆綢適皇想朱鳥之次舍軌
度兮豁達蘭轆訶閭耀鉉乘寒滂潮水之偵倒推盪兮
散曉輟霞氣之轆轤彩章迺蜚騰於寥廓兮竟瞑眩於
混茫繫高抗乎氛曠兮僅啓明之獨爍歛遠麾之廢爍
兮遽羣動之盡躍川后潛精而窟藏兮海童覩曜以奔
愕鮫鼉揚鬚撥鬣以悠漾兮鴻鶴刷毛挾翅而陵薄莽

琅瑯之躋臺兮泐鯨山而畫其燬也閻羅浮之睨井兮
混蜃穴而夜其燭也迅夸娥之杖策兮懼追逐而莫之
跳連也怒魯陽之揮戈兮恠盤礴之弗吾規獲也惟圭
臬之可測兮奈隙駒之焉託恒鞠明而究曛兮遂壯凋
而老鑠昔聖賢之有法兮實蓋渾之同天矧鍊石而凝
質兮復斷鼇而鎮淵將渤解之鑿竈兮淪谷底而迭燃
抑崑崙之嶺峙兮繞巖腹而互旋豈文身黑齒之俯邇
所出兮貫裸壤以相連或崦嵫濛汜之遠壓所沒兮罄

八國之窮孺歎嚴冰與飄雪兮曠古莽之鮮覺常眠惕
重蒸與疊藝兮炊炎丘之毒瘴霾烟諒衆人之懵陋兮
特蜂螳之撲緣偉小兒之辯智兮雖睿哲而勿宣彼凡
俗之多故兮遇曙朝而即競誠旦晝之枯亡兮嚮晦昏
而暫定紛仕學之攘爭兮集農商之鬪迸淫末作以相
資兮侈利心之百穿儻桑榆之不復滅沒兮盡奪時而
力政願鬱儀之恒若溟滓兮庶保躬而固命叫曉壽而
催闕兮警宵柝而告靜信舉筴而豫知兮幸聞鐘而深

省何觀瞻之不足兮重徙倚以盤桓光已通於一躍兮
影奚候於三竿逮層溟之畢露兮屹東霍之巖巖念列
仙之獨往兮扼羨門於波瀾劃孤嘯而陟降兮撒蒙節
以忻歡顧秦越之邈不相及兮又焉論夫遠近於長安

羅浮鳳賦

并序

羅浮鳳者海南小禽也家君自嶺嶠回挈之北上予嘉
其身負文采拔去幽阻而欲自售其羽儀也是知士之
抱道德懷文章無微不聞無遠不達豈肯久滯於天涯

海角之墟而遂已乎雖然子愧多矣乃為賦曰

惟海邦之異產挺羽族之光華育火德而有耀控離垣
以為冢迤赤土之重漲眇丹丘之僻遐顧性命之淺薄
特盤桓於烟霞原夫自南自北載蜚載止蜚不妄集棲
必倒跼青飾衣衿紺流爪背信鳳數之多奇類龜臺之
所使吮夕秀於紫芝嚼寒香於瓊蕊雖斤鷄之同羣固
鸞鳳之等美於是本山川之迢遞美體氣之自然胡虞
衡之弗及隔瘴癘以能全戒羅氏而弋舉命島夷以籠

遷望上林而奉進跋神嶽以增妍念安期之蓄養受抱
朴之矜憐守一枝於嶺木得數粒於崑泉忽獸圈之可
近任虵徽之長捐尚蓬蒿之改觀何鼎俎之容羶當其
緬南國之蒸爍汴古龍之沉隘宜稟賦之爾殊渺狼眈
之昏昧裸黑質而無繒甕鱗軀以弗醜奈屋居之何有
望魚鼈而犇沛胡鷦鷯之種族獨黼黻以藻繪矧鞦莎
而臆蘭匪距金與羽芥獻麗容而自媒炫靈表而罔害
將尤物之移人豈凡禽之一概若乃考黔羸之所毓鍾

品彙而降祥負英姱而可貴闕草莽而愈彰心恒馳於
北闕跡曷屏於東岡薦董賈之術業熾淵雲之辭章偉
畎谷之文翟諒備采而有光遯炎洲之孔鵠或聚冠以
見戕幸全生而特遇肯處遠以回翔儻遲延於歲月恐
滅沒於殊荒然則偶時景之和暢跂閭闔以凝竚稽師
曠之補經驗治長之辨語感軒閣之銜圖副舜庭之率
舞聲格磔而應弦勢盤旋而列簏祠爰居而眩惑奏鵠
雀以笑侮卯條支而必致毛拂菰而曷舉彼尋常之猥

陋雖籬落其若阻相盛德之休明謂萬里而來覩是故
士當貴而自重世何嫌於處卑螯山谷之巢穴多朝廷
之羽儀仰天地之廣大拔聖賢於窮羈極英材之銜鬻
忍道德之擲遺惻朔風以吹野慘寒雪以刮肌屹碧梧
而弗實挺篁竹以無枝鼓乘傳之壯志蘊弃繻之妙姿
奈貳負之久桎窘侏儒之長飢庶飛搏於鵬路終飲啄
於龍池尚茲鳥之比數遂歷言而詠斯

歎疾賦

伊天地之常運兮何我生之邁屯罹終歲之奇蹇兮斷
一元之淑醇莽門徑其委草兮淒戶牖以凝塵寘冠衣
而不理兮念動履之艱辛揆世震之有植兮本胎氣之
稟育粵襁抱而多厄兮謂乳湏之不足胡肌髓之胶削
兮僅側身而于陸矧食飲之稀薄兮略鋪糜於鼎餼顧
廬伍之同處兮雜悲歡與慘哭喑寒暑之中人兮逞蓄
淫而痺毒諒輶輶之無已兮竟沉痾而反覆尚何藥之
起予兮幸我神之來復惟聖人之所慎兮儼前訓之著

龜信軀命之實切兮曷戰兢而自持奈衰風之竊發兮
挾冷血以侵斯漸黃槁而痿蹶兮致聚洩以殿屎高山
嶮其傷陽兮痛壞木之無枝廣澤淤而積陰兮懼窮魚
之弗移儻湔腸而浣胃兮特湯劑之我遺庶扶形而矯
摩兮固俞扁之可期當田野之蕭索兮忽雪霜之交摯
彼蠢翹之有知兮迺坯蟄而自悶龍何潛而弗蜚兮蠓
何屈而弗肆相昆蚊之各以其時兮豈長羸之多懟晝
犇躍而亟思兮夜睥睨以忘寐人疴攻蟄而戕賊兮世

恙灌熏而顛躓。煽狐狸之老奸。兮舞鬼蜮之遺智。恐病
危之或然。兮臨淵谷而增惴。紛邃古之開物。兮貫鉅靈
之毓餼。精日月之照燭。兮竅風雷之噓呵。寘頭顱而上
峙。兮象山嶽之巍峩。縣肺臟以中居。兮通脉絡若江河。
蓋全軀而至貴。兮宜攝性以享遐。肯節宣之乖逆。兮恣
榮衛之慝訛。搏羽苞而覓燧。兮殆燒燭之見加。揚凌枯
以攪沸。兮雖金石其謂何。彼衆人之豐碩。兮胡衰我而
徵瘠。舉世競於塗隧。兮獨牀衽以栖息。矧一旦之即安。

今置事功而弗獲恐後日之併無此身兮虛名實而罔
績緬嵩少之有隱兮曰烟霞之膏肓指龜筮之可暮兮
懷椒醕而降祥彭祖偃僂而下窺兮尚援藤乎若驚接
興踈躑以自鑒兮窘霖雨而肆狂漢史病而留滯兮感
封禪之從行唐傑憊而悲憤兮賦棠梨以惋傷顧真材
之豈不爾遇兮恍景耀之弗彰斂鸞翎而使飛兮綵驥
足以待驤況我躬之蹭蹬兮愈遲暮以潛藏惜脩名之
未立兮笑鬢髮之先霜抗龍文之鼎鼎兮摘虎首之犖

囊吾尚擬夫列仙之可學兮佩丹訣而不敢忘

起病鶴賦

并序

予少多病嘗作病鶴賦以自況蓋言訥然如不出口身退然如不勝衣後雖稍自振於時亦不克也然其稟已不存矣嗚呼予病久且痼其尚可以未起乎起之在我而已於是復作起病鶴賦以示知我者

伊元造之播物有九臯之靈禽稟幽心於藻質散縞翅與玄衿倚高丘之石室瞰蓬島之清潯眇八紘於一舉

曠千里之遙臨然而山多藏陰野積冰雪老松無柯百
草肅殺圓吭塞喑弱脰摧折赤精眊昏纖趾蹙躡胡志
向之殊卑尚光儀之迴潔匿平林而羃迷壓巨壑之劄
裂是以前瞻怵愾後顧慘褻投蹤灌木憩影沙坻靜非
馴擾動若羣羈徘徊蕭索躑躅險巇奈世氛之混濁憶
天路之孤危望鴻鴈而不及愍燕雀之陵欺俯爭枝於
斤鷄遠絕軌於長離顧雲海之日隔窘稻梁之恒飢幸
樊籠之匪觸豈矰繳之來施亦何恙之不已廼歷年而

留茲至若高步自怡嘯呼同侶拉颯思奮踉蹌起舞風
生則虛曠露隕則淒楚拊青田之故巢睨華表之遺柱
夷采薇於崑谷憲含糗於環堵駟蹇剝而罕逢鴻敷亢
以多忤唏胎化之尚然睽帝鄉而延竚抗衆彙而不羣
懼終身之畸旅於是韜養既久栖跼載寧土木內蓄火
金外形梳理碎玉剷除殘腥美門許其子于立俗惜其
玲竈擿武丁之寓篆發維嶺之藏經服仙人之上乘擁
太古之遐齡故能一洗塵滓直遡寥廓仰拂紫宮廻翔

金閣過夷羊於南維窺壁壘於北落濯長河之奔流凌
倒景之照燭導素蜺之飄揚櫻鶉鳥以距攫躔建木之
絕標躋神芝之奇藥然後希一真而永固超無極而磅礴
曰復予之本初竟誰辨其所至之垠鄂惟天地之一
指忽古今之紛更人何窮而不達物何悴而不榮將人
物之多變豈禽鳥之異情苟相時而能動雖處困而必
亨是故邦治身出身顯道行奉周廬於旦夕視萬乘若
友生負文章之綺麗馳論議之崇畝一賜則明珠白璧

再寵則三事九卿方解茲之舊紱庶息我之前黥可無
心於祿位終不日而蜚鳴大舜來鳳於樂奏宣尼致麟
於文成即援毫而興起又孰不仰德而聞聲

狙賦

我觀世間何異厥狙狙公執技役我庭除投瓜翫果豢
養飽腴牽繩拽鎖奮躑嘯呼側身酣談恐慄足跼頌項
矐矐變幻首顛動因頤指靜類檠株恍惚錯愕滿堂胡
盧粵自童幼被彩弄雛長跳短躍嬉戲有餘忽然壯強

精幹猛軀急操襲取智慮畢輸亦復病苦顛顛困臞倂
顛詐死靈藥在壺豈或老衰涕泗垢沔曲顛偃臚鳩杖
給扶相彼仕達綽有時譽巧張鄉評雄跨宦衢文馳觚
牘武執戟父橫施爪距憤磔牙鬚高門縣簿伺候趙趙
豪威勢卿語話聒嚙白虎獻議銅龍握樞模稜唐手霹
靂漢符升堂踞坐呵喝擁驅弃律舞法鞭梏刻剗神姦
出沒拉羸扼軀頑貪集戾盜鹿攘兪貴與利期貨貝具
儲寵則驕至跋躡同塗膠目塞耳褫冠裂裾行遭僇辱

泣赴刑辜載觀富盛擅爾里閭經營家室粉飾體膚連
檣白粲負郭黃淤沼池魚鼈埒檻鴨豬業可必得事在
必圖嬌奢服履洒液杯杆窮聲絲竹極色麗妹弗農宗
膾匪賈積帑自晨及暮鴻弋兎罟分房割與諄帟德勑
齒霜頰齧舌電翳噓侵貧併弱欺懣侮愚春花秋葉更
苑逋枯先笑後號去車就途胡然比附竟作睽孤餒哉
氣力孰不丘墟當其為人尚有以娛殘骸斷齒螻螳薦
烏或者為鬼抑又可歛鱗肌角鬣魑魅夔魑一時之頃

幸不汝拘衆人盡然殆不我誣周公之衣勉強曳婁吳
王之矢巧捷速殂身何置網手且將荼疇云智諳有是
勤劬假靈木客通怪山都雖則多幻盍忘爾初嗚呼茲
世莽矣一區視其有作意在覬覦悲歡交禪福禍並趨
小苛可略山嶽弗殊治安何玩兵亂卒瘁暴秦殄楚勁
越戕吳三國鼎立材勇與俱龍虎鳥蛇陽陣陰謀五部
雲擾羗戎相屠弓弩甲旗北騎南艦椎擊鼓批却竅骨
輒攻戰圍禁形勢亢虛塞關在前慎不可踰芽蘗在後

金匱要略卷一
卷一
淪胥以鋪時風哀樂史筆賞誅醫國無術鑄人曷模天
開地闢四海蓬廬人消物盡萬世須臾惟狙拔扈盤踞
自如昔非刻狗今豈乘狐我思世故何計有無緝之成
賦用戒薄夫

定命賦

昔岐周之懿哲兮垂末躅於勾吳延州來之閭博兮秉
世德以作模予既稟此美質兮參兩間而與俱日礪礪
以頡頏兮違陋巷而適通都膺文華之被體兮結雋逸

以先驅翮黃鵠之千里兮炯驪龍之吐珠倚山丘其峻
峭兮汨河海之盤紆奇材未得以自致兮恐薄俗之淪
胥叱玄夫為子枚卜兮徵吉繇以弗渝曰心遠而跡滯
兮何時命之獨拘怡怡其曠懷兮惕惕以深省收羣囂
於一默兮守不動於真靜規豪舉於鴻冥兮混牧芻乎
鹿町胡魁梧之數奇兮彼樸鈍則猶天幸遵大路豈不
可兮莽荆棘使吾騁亦欲逃於空虛兮走赤日將焉避
影聿軒騫以有行兮仍輶軻甘所屏離當世之紛紜兮

合自然於溟滓羌造化之無象兮妙機關之翕張叢生
植之各異兮肖智愚以何常役中心之閑雜兮煽六鑿
之披猖朝奔騰靡所止兮夕偃息恍若有亡洒屏翳之
淋漓兮吹招搖之耿光習而出於神奇兮儵又臭腐不
得當邈自古之若茲兮哀吾生之不淑畸汝形而益臞
兮怪汝志之彌蹙言蹇澀以少味兮步踈蹢無所投足
奮骹齟而衆嘖兮割肯綮以旁觸惟先儒之談王兮固
卓立以忤俗環車轍而至老兮陳詭詩以遭逐問蘭陵

悲芳草兮登鄒嶧感喬木慙素衷之墜危兮繇千祀其
芬馥彼曹閭之弗思兮行狹邪如平陸託黃老而險韞
兮攻春秋以阿曲亂鳧鶴之短長兮衝涇渭之清濁不
率循於中正兮每僥倖以致夫顛覆豈昔吾之自奮兮
今獨有此沉憂託松柏之幽蔭兮招鹿麋而與儔俯環
堵之湫隘兮猶采掾之雕鏤駕柴車之樸素兮亦炫耀
其華輶等羹藜乎梁肉兮齊衣敝於貂裘窮匪通其不
鄙兮賤無貴以何羞嗤予音之寡和兮譽汝器之無不

周斯視聽之既狹兮曾不遇曠與婁麒麟出而野死兮
鳴鸞鳳之耿耿幸定命之有在今肯他岐之往謀何艷
陽之駘蕩兮破寒谷之颼颼諒勾萌之畢達兮雖壅閼
其無由不吾用則亦已兮况斗絕於荒陬終越秣以燕
刷兮夫何足以自尤

尚志賦

惟太區之寥廓兮紛庶物之憑生藐予身之中處兮鬱
予志而不得逞竊獨嗜此古學兮指前哲以作程味詩

書之醇粹兮獵道德之精英悼世俗之馳騫兮吾何有
乎我行將歲月之不我與兮兀淹留而無所成沉憂以
氣索兮却立而質蠶攻蹙躡而狹步兮守町疇謂真蹟
審瞭目以霧披兮焮竒肱而風厲墮泰華以施簪兮縮
長河約之帶翔商皇之晻藹兮叱麒麟使承蓋神若唏
而犇騰兮劒鼉鼉乎濤瀨招屏翳予擗帷兮斬蚩尤以
褰旆折建木以指麾兮咲曜靈之西邁將欲往彼鴻濛
兮授予策乎霄漢亦或悲此骀儼兮發商歌於達旦溘

世氛之溷濁兮噓天籟乎崖竅薄高丘以闕遠海兮恒
惴惴而不顧返何偃偃以難進兮曰斂斂而則然顏子
默而樂道兮曾不滿夫一簞原生澹其居貧兮尚蓬蒿
之沒垣彼豈不談王術兮甘窮櫛之藐艱秉中心之皦
日兮輕外物若浮雲諒當時之謂憊兮猶千載稱其賢
貼吾生之沉抑兮將有繼乎古先炳予室之虛白兮纒
予文於太玄莽歛歛與時化兮希嚕咤而道存棄騏驥
而蹠蹠兮登蹇蹇乎前軒滛桑濮之嘈雜兮九韶漠焉

無聞固泰豆之不世出兮又何見夫榮援彼何人哀時
命兮每嗟卑而嘆屈曷不尚予之志兮仰孟氏之遺則
繫老農之力田兮且多種而鮮獲矧奇士之環轍兮雖
凍餒其奚卹增螢爝以日晶兮積埃壒而山崩向汙泥
求夜光兮經劫火見垂棘惟傅巖之版築兮扳南箕以
興國亦有漁厥磻溪兮擢赤鯉以予翼挺爾躬之豪崛
兮肯受人之羈勒悖鄒魯之雅言兮建燕趙之嫵節糅
瓊璫而我餐兮羅翡翠以為服秉剗剗而剗裁兮鏘和

驚以游息撫鴻荒其若今兮觀六合為予窄齊窮達於
一塗兮與聖賢而同域翩丹穴之蜚鳳兮粲九苞之翕
翫將乘之以觀舜文兮孰知予情之至極

索居賦

粵吾生之寡好兮恒孤陋以索居步中庭以自念兮心
抑鬱而不舒貼予身之兀處兮撫萬化之殊塗豈寰區
之汝陋兮杳不知其所趨惟世氛之溷濁兮尚蓬藿之
藏匿將奮迅而激昂兮又遭迴以沉默去衆人之佻巧

今膺太樸以堅飭紛荆棘之柅行兮謂邛峽其繩直肩
重任之迢遙兮固邪許之不力儻泛駕之有求兮策罷
駑且焉止息巡簷隙而詠歌兮撼戶櫬以悲惻何初日
之成言兮乃棄予而不我即彼昔游之為豪舉兮曾同
處乎險巇羌結交以鼓勇兮肯羈圉之遑安抗沙塵而
志得兮巍弁冕之星攢既文鷲之炳耀兮啞薜蘿以為
寒仰睇遠而弗及兮莽浮雲之瀰漫俯聽幽而若來兮
哀風激夫溪湍汨寥料其無景兮甘岨強以此蟠徒離

羣以蕭颯兮庶神氣之我完折松枝而拂石兮又植之
以青蘭宜道義之孺穉兮肯肥癯之異觀董生之談王
兮且有稱於不遇賈誼之明治兮謫長沙而徑去將屠
販之汙下兮恐紛紛而改度逮曲學之肆行兮使吾儒
之愆素古固有此混淆兮矧予今之馳騫寧窮達之措
懷兮曰美人之遲暮循自然之天運兮芳草藹其發榮
倚巔岼之絕壁兮臨萬仞之潭泓歟淺渚以澹沱兮樂
儵魚之不驚構危巢其惴慄兮恍若聞乎鼃鼃非山林

之忘反兮奈世務之所嬰手不得以豎指兮目又何能
以逃睛因樗散之乏用兮託考槃之遺聲永言抱此幽
獨兮庸詎釋夫我悻

貧女賦

并序

予春秋二十有二嘗偃蹇不得志因讀史記感甘茂貧
女分輝隣燭之語故作是賦以廣之

伊太鈞之塊圯兮敷動植於八紘茲女蹇其居貧兮乃
困苦而不得生惟室家之蕭索兮屬多難之來并空輟

轉其寤寐兮魂惕惕如有驚顧儋石之不儲兮支墻屋
之歌傾印鼠跡於牀塵兮網蛛絲於門楹胡藍縷而不
完兮又機杼之無聲凜寒風之中人兮感促織之宵鳴
拂敗奩之殘蠹兮舊鏡黯以羞明銅釵折其半股兮亂
鬟鬢之縱橫拈竹筐之素縷兮歲欲澀而不行亦何心
於組紉兮况鴛鴦之能成挾故絮以假寐兮耿寒焰於
孤檠誰哀吾之窈窕兮幸自保其堅貞嗟父母之鞠我
兮美裳衣而藏匿矧櫛風而沐雨兮身乃罹於荊棘忍

須臾於溝壑兮豈敢休乎蠶織欲一銜其盛年兮縱粉黛而無色羌鑽穴與踰垣兮謂善淫之為惑庶容德之可全兮雖凍餒其奚卹彼隣姬之纖巧兮日靚粧以登樓綴木難之克耳兮插翡翠之搔頭騁茲心之娛冶兮學趙舞與齊謳佩堦蘭以求媚兮祇怨曠之懷憂信怙寵以取樂兮盡夙夜於衾裯飛瓊觴以嬌醉兮秉銀燭而懼遊恨兀兀以獨處兮欲從汝以為謀細娛聿其可翫兮重桑濮之貽羞寫予心於溝水兮恐年華之遲暮

甘蓬葆而不恥兮豈蛾眉之見妬且絕世而特立兮逮
傾城而弗寤迺蕉萃之或弃兮縱效顰而罔顧紛采彼
之柔桑兮輕擲金於行路苟力操乎井臼兮微隱德吾
誰慕繫二南之發政兮由夫婦之所推化尚及於草木
兮獨不撫乎嫠嫠利遺秉與滯穗兮豈年登而啼飢儻
卒歲之無褐兮何功裘之足為慨茲道之愈遠兮指古
人以自期聊援瑟而一鼓兮遂聲之以為詩詩曰有美
一人兮東鄰子耀金珠兮列紈綺美姿飾鬢兮匪桃伊

李朝為春風兮暮則流水曰妍曰醜兮云誰之使見肘
決踵兮我樂乎此樂吾之樂兮勿傷吾貧寵之一失兮
金屋生塵固榮艷之匪望兮又何必怨夫陽春

淵穎集卷一

欽定四庫全書

淵頴集卷二

元 吳萊 撰

觀孫太古周天二十八宿星君像圖

大圜杳何極
鼇柱屹不傾
日月光最耀
衆星莽縱橫
周天二十八
錯雜各有名
荒哉審厥象
晃朗奪目睛
東垣青龍崛
西園白虎寧
翔飛鳥隼狀
偃伏龜蛇精
紫宮自然拱
銀漢無復聲
五行所經緯
甘石知性情
上界足官

府神人居穆清讌暄逞幻怪顙顙振鏗轟跳踉鬼脚捷
舛談獸面頰裳衣互髀襲角鬣紛披髻豈其太白變嬉
戲類狎櫻或者榮惑動威怒流欃槍照臨多芒角躔次
在縮羸揣摩過人料綵繪匪世程伊誰駕一氣得以導
九阡想像陵倒景觀游無層城虛空何宮宇蒼莽孰節
旌毋寧秉筆際溘此埃風征凡夫本狹見四顧惟羸羸
夜叉冰滄呀羅刹炎徼瞠蛟女賣綃出狗夫銜筍爭祇
款列宿質却混殊方氓山神對我博刻石華山陘海神

新我畫浪捲滄海鯨天神詎可識萬古欺聾盲星占世
有職畫史吾奚評

病起讀列子冲虛至德真經雜題八首

太虛無停運萬化總一區機鈴妙出入氣質夤緣殊春
鳥春花艷秋蟲秋草枯榮華豈我有變滅僅須臾彭殤
何壽夭堯跖孰賢愚生年甘肉食死骨委鳶鳥吾知形
骸在坐此力命拘矻矻焉得已悲哉天地爐

世間豈有極海外猶齊州日月更出沒江河却同流夸

娥追即死章亥步曷周蠓蚋生不久鯢鵬背吾游神漢
湧滋穴巨鼇戴蓬丘想像或可到徘徊獨懷憂南方祝
髮裸北國鞵巾裘逍遙特爾分智者善自謀

黃帝居大庭華胥嘗默存穆王望西極肆意游崑崙虛
空乃不闕夢覺絕無垠感變豈起滅精神遽飛騫魯儒
久迷錯周役恒嚙昏蕉鹿真未辯燭龍妄相燉古莽多
睡眠阜落但步犇幻化自來往至人寧汝論

世人有至巧何者能自然作衰出技藝行險弄機權孔

周神劍光偃師舞倡妍泰豆計木塗甘蠅觀蟲懸氣鈞
但一範物化匪吾鵠洪纖各以正動植悉根天公輪制
雲梯墨翟獻飛鳶微矣執規矩彼夫惡得賢

神巫善相人壺子如濕灰扁鵲巧發藥季梁病弗治一
形苟脫落純氣固委蛇隨火出石壁泳珠沒滄隈彼或
蜩翼得此猶漚鳥疑中心既怵殆外物盡坑谿幹殼即
木葉皮膚類嬰孩遠矣列姑射吾為榮啓期

古人合神物魑魅悉將迎蟲蛾亦靡至鷹鷂即旗旌分

金川四庫全書
卷二
廬通異類禽獸解音聲牧正得虎心狙公識狙情義農
狀牛蛇聖德泊無名廉來挾犀象暴行恣狙爭淳澆日
以散物我兩相驚後世自魚肉傷茲橫目氓

大道無屈曲多岐竟忘羊窮通偶然值倚伏焉可防枯
梧元若險白犢詎非祥棄車儒著盜墜鼠俠攻倡情慾
心不滅宦婚迭相攘君臣道未息服食競犇亡日暄疑
狐貉芹臬勝肉梁宜哉爰旌日喀喀死路旁

此日忽過隙居人恒鮮歡毫毛慙為我體節欲求完大

盜竊名爵小廉捨豆簞熊魚徒兩得利義肯兼安馬醫
自不辱燕枝毋庸干時勢尚未至事功良獨難蕭條白
麻履慘澹青蘚冠長嘯答鳴鶴北風江水寒

送鄭獻可南歸莆田寄周公甫

自昔道術本一原後來雜沓乃異轍粵從西漢始立傳
獨守章句稱專門唐人疏義不改舊宋代理學交相敦
吾知衆儒此間出遂指漁洛為雄藩當時莆田有先達
信爾夾漈好弟昆發揮聖賢本根殖評駁遷固枝葉繁

典禮會通尚可志儀章器數疇能言居然韋編塞篋筭
旋用束帛徵丘園惠施五車却陋隘方朔千牘徒飛騫
公車奏上欠大用屋壁藏在傳諸孫世家相承幾譜系
宗廟所重真瓊璫馬圖陰陽太極秘麟史袞斧天王尊
文苑儒林各突興父風祖德猶光燉一朝更遣列宿次
何事隻隔勾陳垣歲晚東游幸我接江城極論餘空樽
海上山川恍可到閩中耆舊嗟無存考亭過從即闕里
麗澤講習或艾軒至正須求汝墨斲大和定許吾簞壘

微颿翺翻剔橘蠹積霰叫嘯招梅魂別懷未盡苦竹雨
歸路亟赴扶桑暎周君故人我同病名郡重席特爾溫
尺劍毋令紫氣隱寸膠昌救黃流渾子魚舟通牡蠣浦
丹荔樹暗枕榔村摘箋送客復有憶卓矣人物撐乾坤
新得南海志觀宋季崖山事蹟

故國今安在新營忽此山藩王收未燼義將杆邊闕典
禮存周法威儀復漢班開衙旗幟動結寨舳艫環節制
通江邏槍牌集洞蠻龍濤多擊礮嶺嶠半榛菅置陣移

官港帷宮泊女灣，狗流疑尾掃龍殞。莫髯攀奠殞，須求
繼驅馳，獨任艱。搶攘殘戎屋，殺膠罄居闌。玳瑁洲仍隔，
珊瑚島併跼。乾餐炷竈減，國飲輓轡慙。道斷無前援，民
哀有老鰥。颶掀雲赤暈，鯨鬪電朱殷。大業從舟盡，元戎
棄仗閒。炎丘朝服襲，貝闕御弓彎。誓僕隨冠冕，嬌櫻泣
劍鐐。駛駢衝柵象，精衛避籠鵬。敗氣徒延喘，英颯欲起
孱。一沈知有決，再縛懼何顏。去矣曾青蓋，行哉彼翠鬟。
城危嗟唄鬧，井辱痛脂斑。出督空懸令，迴軍却算錢。蜀

瀘家失輿襄漢國忘櫟月照丹心苦風揚白骨頑諛儒
輕戰勇穢史進降奸世遠神終在天高淚或消綺羅歸
北府疆理混南裳毒浪悲潺內烟氛蒼莽間一時磨石
處萬里凱歌還

早秋偶然作寄宋景濂

我病三月久問言此何時山林日搖落草木欲變衰忽
來臨青鏡何故摘白髭千里復萬里遠哉鴻雁期

去年憶吾父羈客在廣州今年憶吾父官屬大長秋漢

宮戒御服周典進膳羞惜茲不得去目斷五城樓

西風吹梧桐一葉兩葉積故書翻有塵雄劍掛在壁時
非合窮困事到即輝赫除却雙鹿行門前少人跡

故人三兩人江北久羈旅尋香古徑風步屨長廊雨蓐
鱸最有味稻蟹紛難數我欲往從之蠻潮正掀舞

悠悠秋夜長夢覺秋月霽有材寧及人無學敢求蛻揮
來河水絃削作泰山礪吁嗟祁孔賓得失毫髮際

士欲知自重今人猶古人馬卿志封禪揚子述美新當

時文字間萬世寵辱伸董京不可作愁絕麟乎麟
北山有古寺脩竹炎天涼蛟龍踞兩澗鸛鶴鳴層岡心
臺月照白鼻觀烟通香可思未到詠此招隱章

陳生愛神仙百日常病十手攀琪樹枝口誦蕊珠笈山
衣縱橫披石廩偃僂入何如一尊酒自解憂思集

自來閒作詩瘦島與窮郊瘦將闕梁肉窮或潛榛茅水
流苔間石花亞竹外梢聖愚總灰滅何苦發笑嘲

往者東入海飄然任所如大風戕波浪飛雪洒舳艫壯

志昔尚少狂游今併無誓登盤陀石重望扶桑墟

泰山高寄陳彥正

泰山一何高高哉極青天世人欲上不可上層巖峭壁
徒攀緣望中絕頂路已斷石穴上出鐵鎖下絙歷碌相
鈎連誰歟愛奇者步步喜若癲一心不顧死隻手挾長
烟毛犀驚迴少虎豹羽族跼墮多烏鳶浩氣剛風搏結
虛空作世界蜚龍捷鬼鑿開混沌巢神仙道逢四五叟
含笑使來前黃冠皓髮傲几榻野菜素粥鋪盤筵自非

爾願力何計此留連當知仰扣曖昧雲霄有頂處得不
俯懾嶄巖菁棧無窮淵嗟茲大凡夫行尸走肉真腥羶
段碧思家最可惜李紳戀俗終難鑄舉頭告神人苦乏
風馬與電鞭藤蘿束縛即絕下但見松柏櫟樛數萬仞
石稜突岬橫戈鋌古來秦漢東封不到此惟問梁父併
肅然日觀嵯峨恍在下蓬萊浩渺空樓船彼云鯨可射
此謂狗能牽安期羨門一往不復返文成五利受寵驟
貴祈長年仙人自有真至道何由傳逝焉龍漢延康紀

去授金璫玉珮篇

胡仲申至

自予與子別三載不幾見白雲日高飛恍若覩子面我
病久不出衡門寄幽眷子來尚予思嶺路踏蒼蒨當軒
坐甫定笑語起我倦新文十餘篇筆墨擅百鍊口傳發
秦壁竹簡鑿晉窠考論無差典風雅有正變世儒美俗
學雅曲極熒街羣羊雖冒虎草悅豺則戰誰其制橫潰
或者瘳瞑眩牛毛獨不多麟角時一現朝廷方太平炎

海忽馳箭人材需更急巖谷遽乘傳終然務涵蓄可以
待推薦問子古丈夫何人久貧賤首我遠遊冠雙眼爛
如電西上石頭城大江流一線袖中羽獵賦雲氣擁宮
殿燕山去子思萬里障冰霰壯哉子此志我喜手脚旋
撫劒為子歌張燈趣子宴俄其送子歸贈子端溪硯行
行恐自今宛轉異鄉縣天霜被四野老馬困蒿藪聖人
猶待時中道匪狂狷蠹魚不負子籤架三萬卷我豈肆
競徒東勞復西驚

觀陳彥正觀景拄杖歌

山人拄杖手自携滿杖刻畫類土圭春秋星辰本不錯
彼啓我閉疇能齊日出扶桑照濛汜南北廣輪定幾里
老義奉駕何太速三足神鳥為之使旦朝舉杖向天移
插表測景少參差騏驎過隙不踰晷蟾蜍吐波同報時
世間惜把天機洩杖底強稱量日月蛟螭變去甲鱗生
霹靂搜來光彩滅自從宣夜無法傳紛然周髀與渾天
高高窺候尚一律二極隱見仍分躔日南交愛通海陸

海中諸星却未矚雁門褰蔚絕龍沙鐵勒須臾羊胛熟
天高地遠渺八紘章亥豎亥脚力爭出入安窮足議論
經營鮮備空璣衡我朝華戎早一統山梯海航萬國共
火嶠尾閭侵暑熱骨橋魑魅壓冰凍古今陽城一岳臺
三十六度增減來郭公新製十五表天下日影無纖埃
吾知渾天為中國東南海際殊傾側周髀本因勾股得
崑崙當中標四極茫茫堪輿一氣浮鄒衍九州復九州
蚍蜉蟻子託大樹大樹所託終難求嗟哉周渾說未定

拄杖在手與日競一行歷術久成書康節算學知何如
觀秦丞相斯鄒嶧山刻石墨本碑

鄒嶧之山在何處始皇立石改名號史籀古文相斯變
蛟龍盤屈獨精到自都咸陽制六合曰救黔首烹強暴
蠶深擅更秦新法繁縟盡剗周末造掃除井田設斗角
濫滅封建廢圭瑁收兵鑄鐐銷凶器斥塞築城斲梟驚
當時大開阿房殿萬世永戴黃屋蠹胡亥矜慢不改轍
趙高指麾豈謂孝四極巡游何功德羣臣刻頌直昇鼎

金虎淪亡竟不守白蛇劍死徒驚譟荀卿著書本性惡
弟子承學愈言耄古今聖賢使閣束五三載籍遭煨爆
越人烏駭汝苦兵斲卒孤呼汝召盜宜哉東市得具刑
矧痛吾儒有名教太平真君一拽倒枯篁野莽火就燥
篆家法妙尚鈎勒棗木字肥略顏貌陽水石經欲敵乳
楚金囁匾猶踏蹈文章諛佞合鐫削筆墨瓌絕強則倣
小齋客至無寒具明窓淨几急洒掃後代續刊縱膚淺
先秦遺跡信堂奧鵝鼻峰頭不可上魑魅晝泣駭熊豹

會尋碣石探之罟乘興去浮滄海櫂

觀齊謝玄卿五洩山遇仙記寄題五洩山寺

曩聞一奇士深入五洩行五洩何處所長溪遶崇岡微
風生天籟急瀑洒石梁金磬夏欲響縞衣爛迴光綺妓
開朱閣靈仙坐玉堂偃僂即進謁斐裒遽鳴璫幸汝得
大藥於茲赴玄鄉玄鄉且留宴穢臍勿發狂高座瓊燿
施碧幃琳華張芝英雜桂腦螭髓問鳳漿太容揮四弦
王母彈八琅羽旗素蜺騫輶騰蛇驤眼球便爽朗肌

骨遂馨香日星恍在下海獄極渺茫嗟予頗探勝古路
但縱橫青童邈不見寶刹屹相望山峰插烟霧潭級跳
冰霜螻蛄小窟穴蜂蟬亂飛揚終然雲錦笈照以虎犂
囊千年或頃刻萬里忽扶桑謝卿獨自往矯首盡回翔
笑採金明草浮顏安可常

送鄭彥貞仲舒叔姪北游京師

鄭君系本自義門門首植表孝義敦祖孫九世類一日
聚族千指通晨昏酒食庖匱口共飫衣裳櫛架身同溫

家宜富饒積粟布里或饑寧資饗殮大宗小宗寢以邈
東眷西眷疇尋源復除曷下省府令延譽靡間鄉閭言
禮俗興衰顧不重風聲勸慕猶茲存袖中懷文扣所部
行矣望闕期軒騫燕然何許水陸隔越驛踰月舟車奔
鄒嶧邱山岱嶽竦蜀江邗瀆河流渾榆關崇墉峙虎駁
碣石漲海澆蛟鼉北州塵沙遽萬里天邑氣象雄微垣
昇平多年正黼扆郡國麋至駢肩跟五柞長楊劍戟接
控弦突騎旌旗翻鴻鴈飛鳴羽未肅魚龍變化光相燦

世塗人事豈可測
儒術政理須攀援
嗟予昔者忝俊造
翹足到今勞夢魂
乘時一去欲迅奮
抱病日劇徒丘園
阮郎竹林夕並秀
韋氏花樹春仍繁
榮親顯已在此舉
惜不往餞空壘樽

嚴陵應仲章自杭寄書至賦此答之

故舊何懸絕
閒居欲反招
幽并風雪緊
楚越水雲遙
短褐緇塵破
長鐔寶氣銷
門垣成隱逸
筆牘到畊樵
逆旅呼燈夕
脩闌徹棘朝
囊書題蒼藓
散發論獻芻
荒舌焰真

熏灼胸兵劇鍛穀乘軒南國鶴解鏃朔庭鵬幹運天垂
斗蜚騰海作潮荃蘭騷地變橘柚貢年凋色采黃朱黻
音聲徵角韶潛身甘蟄蠖賦命類茗鶴筮仕龜無兆攻
經教有條秦灰完竹帛漢粕味簞瓢畫品翎毛貴鷄場
爪距驕文章道政理道義勝官僚歲月嗟悠久湖江耐
寂寥花濃携酒榼柳霽賣錫簫制虎搖金錫驅龜駕赭
橋流連光景晚播蕩別離謠世笑烏非鵲吾憐狗續貂
呼號三刖璞忼慨五陵鑣落落山中桂叢叢澗底苗依

然百將略付與霍嫖姚

富春新創關將軍廟成吳子中携卷索題

吳生病起有怪聞夢中識得髯將軍香火乞靈自此揭
廟門醜酒樓閣雲我曾久讀名將傳紫金焰眼赭玉面
漢鼎孤離强分割楚鋒剽狡輕攻戰天荒地老路不通
魂升魄降融秋蓬神仙負劍乃兵解巫覡傳芭真鬼雄
壯夫本合荊州死嚴祀何哉富春里只今江左四祠無
狄公髯乎髯乎獨不恨見孫江東

題錢舜舉張麗華侍女汲井圖

景陽宮中景陽井
手出銀瓶牽素綆
鉛華不御面生光
寶帳垂綃花妬影
臨春結綺屹層空
璧月瓊枝狎客同
鴛鴦戲水池塘雨
蛺蝶尋香殿閣風
日高歡宴驕若訴
牀脚表章昏不寤
吳兒白袍戰鼓死
洛土青蓋降船渡
井泥無波井欄缺
半點胭脂汙緋雪
蕙心蘭質吹作塵
目斷寒江鎖江鐵

題李伯時寶津騎士校馬射圖

東都天子幸寶津左右突騎多近臣少年據鞍即齊足
青柳絳綃不遺鏃前手引弰如附枝後手放箭箭不知
羽林劍客塵霧彌蘭筋蕙腕雷聲馳先朝射技兵恨弱
舊柵毬門馬驚躍軍書到夏風噴河使節通遼雪跑幕
南宮試士親見來筆下俊逸真龍媒澄心一紙依稀在
畫家六法猶神彩誰歟醇駟誰牛車收盡騏驥策蹇驢
男兒虛用懸門弧嗚呼壯哉彼武夫

題姚文公草書杜少陵詩手軸崔仲德所藏

彭蠡東流白泱泱匡廬五老青開張我公晏坐展詩史
燈下搦管草數行目瞭手熟快掣電筆銛紙擣明含霜
鸞鳳盤迴恣舞躍蛟龍崛起高騰驤當知所貴務道德
況復不朽傳文章中州故家胄子出累代耆壽真儒光
搢珽端紳尚色正操觚染牘仍謀長藉令鍾王可退讓
勢與董賈同翱翔大兵昔者潰漢鄂南士何處潛茅篁
北風被髮亟死水明月跨馬勞追亡程朱學術此萌蘖
姚許論次極審詳立館過庭竟兩得蒐經撫傳疇殫量

聖朝混一闢海嶽勲武雜還銘旗常麟閣鐫詞照百世
鷄林定價驚殊方紺宇琳宮鼎負力豐碑鉅碣戈垂鉞
英華燦發永不滅翰墨游戲聊徜徉崔君妙年幸侍坐
安陸遺橐曾取將半披丹繪久舒卷滿幅縈綰苦襲藏
吾觀河汾數來往敢愧籍湜或汗僵脩烹短桶未收拾
已矣我公今棟梁

問五臟

我問昔生我繫胎果何神上顧下負趾五臟交錯陳胎

經已不足乳湏復不勻黔雷不我職粉飾強為人自宜
多藹害無以保命真元氣日此敗客邪作艱屯彼何猷
而肥言貌勇若震此何微而瘠肢骨弱不伸嗟夫賦命
間豈不汝由因我誠不汝憚羸書胡不均五精被我惱
訴我蒼蒼旻恍然欲我答天道汝當遵粵自汝有生躍
次逆星辰矧從汝生後戕賊逮汝身心兮本中居與汝
相主賓汝何不祇敬狂役類風輪坎離漸違行龍虎起
戰嗔一元竟不守散入萬微塵惟脾制水穀四體承華

津肴載噤汝口酒漿絕沾唇司祿不上計畀汝藜藿貧
飢腸常九回苦叻添荆榛何天不汝錫服用無箱困抑
汝弗事天寢食失鼎茵天本不病汝汝實使病臻汝仍
不耐病虛躁復善譟內虧但外養衆藥聚毒芬金石草
木蟲亂投劇斧矧五精恒不寧乖沴積相熏寒增熱或
壯頃刻異氷薪當知汝五臟獨不與汝親何庸汝反詰
鬪我似越秦吁哉一臟損五臟遽不醇齒牙漸凋蠹膚
肉還削皴汝徒職汝職軀殼有君臣天曾盡賦汝造化

匪不仁我聞五精言鑒鑒總有倫曰人本之天辟若泥
在鈞一時巧相值萬物混無垠聖愚且同羸毛介與角
鱗我惟有心肝是號橫目民心肝既屬我榮衛盡網緼
徧歷燥濕滑備嘗酸醎辛虐汝重役汝汝得我緇磷蚯
蚓尚無臟靜夜解唱呻蝴蝶亦復然翺飛媚陽春彼寧
心肝具物性各有循蜉蝣或土化死生僅昏晨自今我
即安無往不寵珍忍令百歲後銷變為烟燐曲肱便莞
簞就口取曉臙五精速歸臟大宅集靈氛張毅喜犇走

熱中果如焚，單豹好容顏。
飢虎特汝隣，二者乃天道。
我將何所云？作詩示同黨。
聊以博笑忻。

題永嘉唐氏清節處士卷

永嘉古郡控海隈，東望萬里連蓬萊。
龍湫噴天作雪下，雁蕩拔地穿雲開。
自宜逸人此遁跡，表以清節無留埃。
吾知出處本一軌，肯使物我長相猜。
昔人可仕最解隱，圭竇不掃藏崔嵬。
醉閨騎驢或市過，吟逋放鶴終船迴。
今人可隱獨願仕，駕馬並駕驅喧喧。
屈原臺文章與世變。

梓澤賓客隨塵來就中好高欲遠引否則希進將難媒
路途九折足險惡巖壑千疊多風雷直從黃流屹砥柱
淨洗黑月收熒煤道義榮華果異趣夷齊跼蹐徒驚鉗
於焉冥心混標鹿况復曠眼窮紘垓春秋栽花色擁砌
伏臘釀黍香浮杯何山樵蘇採茂蔭某水釣泳航灣洄
平居苟求食飲遂至樂奚問容顏摧伊予頗讀隱逸傳
恨不徑躡烟霞堆素行傳家即政令虛名掩實須根荄
晴窓撫卷盡達者禿筆落紙誰詩材人生大節要礪礪

慎勿枉築懷清臺

白髮辭寄答陳時父

昔予頭燥髮未茁今我頭枯髮先折
童心尚在顏貌改滿鬢蒼華點霜雪
朝來抱鏡看未真鏡裏相逢類兩人
東都貧孟嘆孤劍西丘老康悲故茵
烏髭每怕不得素素櫛何庸問衰暮
楓林葉底變風烟藥草莖邊虛雨露
自非神仙劉阮儔世間容有幾春秋
情知鸛鶴長朱頂得見鴛鴦會白頭

黑海青歌

越山山有黑海青長拳快眼健羽翎三年籠養未得飽
萬里驍俊猶飛星黃蘆老葦日摧折白鷺文鶴看磔裂
腥沾石磧吹遠風髓擊寒岡散輕雪伊人脫手本凡禽
歲晚連條到上林鉗奴素賤多奇骨騎士虛豪即俠心
晉宮邸廢身欲死燕國雲銷草如砥嗟非鷺鳳高杳冥
望盡狐狸衆披靡當時奉使探遠巢兩微馳兵聞勇鏖
南土誰知此鷺猛北州驟見爭鷺號天鷺薄天垂兩翼

海青雖黑打可得太平八極無不通函谷何問關西東

小至日觀三山林霆致日經作

昔在江左國閩人有林霆白衣召上殿口誦致日經卦
爻遽可驗聲樂洞杳冥變調久不職民物將何寧前朝
百喪亂四鄙長羶腥辟王真贅旒兵釁劇建瓴著龜強
占決福極矧兆形一元不汝體萬蟄安能醒自今發孔
壁茲欲論漢廷春秋紀舊害河洛推輿靈日星本照耀
川嶽恒流停犇騰狗吠野播盪鯨翻溟於世或間有匪

天誰所令天功巧旋斡聖造務德刑勾萌草莽甲穠穠
鳥羽翎和風足氣運化景多年齡私疑彼磬錯否者此
鐘筵徵冬即花綻羽夏因雪零陰陽時揮霍律呂暫聽
熒毋庸緹室琯便叶茅堦莫嗟予偶撫卷默坐但空廳
亞歲肇歷數祥雲滿郊垌羲和不可作蠹簡猶餘青董
生尚爾溺靈也吾鐫銘

大食餅

西南有大食國自波斯傳茲人最解寶斲土善陶埏素

餅一二尺金碧燦相鮮
晶瑩龍宮獻錯落鬼斧鐫粟紋
起點綴花穉蟠蜿蜒定州讓巧薄邛邑關清堅脫指滑
欲墮凝瞳冷將穿逝哉賈胡力直致鮫鰭淵常嗟古器
物頗為世所捐襤衫易冠袞盤盞改豆籩禮圖日以變
戎索豈其然在時苟適用重譯悉來前大寰幸混一四
海際幅員縣度縛繩紉娑夷航革船鑿空發使節隨俗
混民編漢玉堆積篋蕃羅塞鞍韉城池信不隔服食奈
渠遷輪囷即上據鼎釜疇能肩插葩奪豔冶盛酪添馨

羶當筵特見異博識無庸詮藏之或論價裏此猶吾甌
珊瑚尚可擊磧路徒飛烟彼還彼互市我且我枯園角
羈獨不出記取征西年

時儼

古人重儼疫時俗事禳穰歲陽欲改律輿鬼寢耀銍厲
神乃恣肆魃戴併猖狂倌僮幸成列巫覡陳禁方虎頭
眩金目玄製炳赤裳桃弧毆菑沴豆礫斃瘴剛八靈悉
震惴六合高塞張清寧信不害動靜維吾常世塗頗險

蠶人魁更跳梁狐鼠戴巾幘變魑竊香囊煎熬到膏髓
擊剥成痂瘍乘風作國蠹抵隙為民殃自從九鼎沒誰
使百怪藏瘞寒服褫帛饑饕食閉糧蘆花蔽汝體橡栗
饒吾腸地膚竟捲去天孽俱凋傷神荼欲呀啖蝓木蔓
不長蒙俱強顏貌枯竹無耿光聖言謂近戲五祀徒驚
惶惜哉六典廢述此時儼章

歲初喜大人回自嶺南遂携兒謬北行送之

乍喜吾親返還携稚子行風沙千里道雨露九重城舊

帆江潮遠新裝嶺瘴清長秋官屬盛去可接簪纓
此去知何處飄然惜爾年塵飛馳馬埒雪擁讀書甌日
觀躋攀外雲臺獻納邊文園寧久病要奏上林篇

溪行望故友黃明遠槐塘新墓

往代衣冠日已賒故山棺槨此為家經詮義闢中州魯
樂調辭譏下里巴涕淚無從餘宿草文章可惜等風花
嗟茲便欲酬鷄絮目駐前溪有落霞

嶺南宜濠子解渴水歌

廣州園官進渴水天風夏熱宜濛子百花醞作甘露漿
南國烹成赤龍髓棕櫚亭高內撒餐梧桐井壓滄江乾
栢觀金莖擎未濕藍橋玉臼擣空寒小兒封出香覆錦
古鼎貢餘聲撼寢酒客心情辟酒兵茶僧手段侵茶品
阿瞞口酸那得梅茂陵肺消誰賜栢液奪胡酥有氣味
波凝海樾無塵埃向來暑殿評湯物沉木紫蘇聞第一
嶺南六祖禪師菩提樹下藏髮甕子圖歌

蘄州黃梅峙佛場新州獼猴識水香菩提樹間好晏坐

五色頭髮騰毫光金刀剔落受法戒瓦甕瘞藏傳不壞
挨迴萬夫蠱梁棟陶冶千聖掀爐鞴南海標來刹十圍
北宗望斷六銖衣塵鏡本空空即本風幡非動動還非
山僧禮拜山鬼護一花五葉開如故寶縷青懸雪嶺烟
神珠紺結丹丘露世人長物合剝除謝公枉矣施髭鬚
唐年畫筆石未泐大鑒壇經誰讀得

夜聽李仲宏說廣州石門貪泉

大粵控南海茫然天地陬石門屹有限巖瀑蓄為湫何

哉清潔名坐與貪濁佯使軺一杯飲蠻賄即繭抽金珠
混寶蛤孔翠爛相繆烏文暎呿陀器物窮雕鏤劇鬻蛟
龍悚織毳虎豹愁島嶼刮欲竭民夷起爭仇聖王不忘
遠奸暴合汝郵靈若尚嗇貨惡風無時休饒波半枯杓
渴沫萬戟矛氣機乃日變掊克非人謀私疑勢至極實
爾釁所由妖巫挾左道峒獠稱豪酋支祁妄解鑠螭蜺
怒翻舟人鮪或併命吏商宣良籌逝將尋泉源纖滓忽
不留復思漱泉瀨麓穢悉以瘳洗除崑崙窟疏淪渤解

流一塵了不動六合嚴如秋嗟吾此身小幸獨為國憂
從茲斥聚斂矧彼畜羊牛馬援空薏苡王陽但衣裘百
世不易操嗚呼我賢侯

北方巫者降神歌

天深洞房月漆黑巫女擊鼓唱歌發高梁鐵鐙懸半空
塞向墜戶跡不通酒肉滂沱靜几席箏琶朋摘淒霜風
暗中鏗然那敢觸塞外祆神喚來速隴坻水草肥馬羣
門巷光輝耀狼蘇舉家側耳聽語言出無入有凌崑崙

妖狐聲音共叫嘯健鶻影勢同飛翻甌脫故王大獵處
燕支廢磧黃沙樹休屠收像接秦宮于闐請駟開漢路
古今世事一渺茫楚機越鬼幾災祥是邪非邪降靈場
麒麟被髮跨地荒

天台山花蕊石筆架歌

天台高山屹蒼空山神染石填青紅良工琢之手運風
閣我綠筆虛玲瓏勾芒香動土膏發蓬萊髓流花作骨
一雙粉蝶迷宿魂五色斑龍蛻幽窟古硯南披黯淡灘

摩挲鵷眼映豬肝低窺墨池渤澥碧仰視書鎮高峰寒
滿案層巒何處所宛陵老兔論功緒錦繡心腸吐有雲
莓苔面貌凝為雨翰林學士生花筆京洛新來花樣出
浮花浪蕊一掃間嘆息揚雄白我玄

題南平王鍾傳醉搏虎圖

南平酒行山險巖日暮猛虎相抱持僕夫辟易不敢近
雙手現出十狻猊口乾大喊眼光爍腰無寸鐵起徒搏
沙飛石走風爪牙草折林摧雪齟齬人強獸勇盡力爭

形格勢禁過用兵英雄變化動霹靂富貴偏桡收櫓槍
老羆當路叱駱子指揮六州稱刺史摩挲虎鬚淮甸鬪
啖嚼虎膽閩城靡少年本是貧少年狂卒成功等醉癲
盜應有道幸竊柄王竟不死還橫鋌一時豪特誰與畫
千古畫圖專足戒投弓弃箭浪紛紛馬上愧殺裴將軍
題袁子仁所藏巴船出峽圖

巴山一帶高崔嵬巴江萬里從天來前夫疾挽後夫催
黃牛白狗遽船開曉風東回水西上淫瀨堆頭伏如象

盤旋鳥道怕張帆
汨沒龍淵驚掉槳
世人性命重濤波
吳鹽蜀麻得利多
怪石急流須勇退
貪夫險魄漫悲歌
神禹醜江江更惡
五丁鑿路空巖崿
舟船可坐尚髮危
棧閣能行終淚落
嗟茲舉目無不然
直愁平地即山川
至喜亭邊聊酌酒
長年三老好攤錢

觀唐明皇羯鼓錄後賦歌

上皇天寶全盛年
花奴抱鼓踏御筵
頭如青山屹不動
手似白雨敲圓棬
大聲嘈嘈忽放肆
都曇答臘矧敢前

小聲籠籠復漂殺耶婆色難最可憐風吹宮牆欲罷笛
月照邏迤徒揮絃纖蘿不起見秋爽萬杏爭發催春妍
雅琴清商却爾叱蕃部坐伎還相宣招來燕薊有巨盜
打破河渭無人烟古先聖人本淡薄堂上堂下俱宿縣
音和氣順遽感召鳥獸率舞殊踴躍後世辟王寢靡靡
朝歌北里因師延迷魂淫思苦宛轉鐘磬散亂終沉淵
吁嗟西京正宸極騁望兩海際幅員金甌一缺遂不補
寶鼎大震幾於遷心貪音技日蝕甚坐劇藩限空茫然

一時戎夷共衽席滿耳鼓樂皆戈鋌宋公守正好宰相
魯山花萼聞獻斨百年治亂總由天羯鼓遺聲傳不傳

觀隋王度古鏡記後題

王家有古鏡軒氏昔鑄成太一來護治玄冥與儲精曰
月鍾璀璨龜蛇助威寧萬靈吐真水全體洞泰清綵奩
出未半冰片弄光晶寶匣收不動玉鱗聞吟聲有身尚
變化無翼欲飛行恍然百世後流落汾陰城高士觀即
賞胡僧識還驚金鈿拭膏澤絳碧穿屋楹墻垣照可徹

臍腑燭能瑩涕泣念鸚鵡悲酸逢豹生一朝忽屏跡六
幕黯不明狐狸遞隱現魑魅莽縱橫皮膚峻刮削骨髓
窮敲榜雷風儻有作厲虐敢紛更嗟吾幸居山猿鹿與
我爭嗟吾願渡海鮫鰐恐並迎楊氏雀環在張公龍劍
并因茲訪洞穴得不振冠纓

葉天師松陽卯山石螺子歌

松陽卯山屹嵯峨滿山靈蟻攢蜂窠化生形模但土石
融結渾沌空江河天高地老忽古色海漲桑淪千載黑

蝸兒舍窄雨含漿螺女泉枯風墮翼岷峨劫灰本島湄
上黨亂殼寧流澌依稀巖妖弄伎倆想像洞乳堆蛟螭
元造出生還入死百萬羸蟲那得似神仙道術徒銷解
蜚螳烏鳶盡殘觝嗚呼靈蟬定終天葉師法筵尚幾傳
問何不種丹丘不死草人世食之無死槁

觀淮陰襲翠巖所脩古棋經

淮陰老人古棋經廣陵大幕青油廳一江對壘靜晝日
三楚結陣鏗流星東南賓客少馳檄白黑紋楸即強敵

坐隱縈廻建旌旆手談劈劒藏矛戟世間風雨長百變
身佩安危知幾戰崑河割破半藩籬漲海掃空全局面
樂矣軍中有此娛攻城掠野類兵書宮殿寢園終草莽
冕旒章服到鮫魚君不見蜀山婦姑三十六破屋數間
昏不燭夜來教得王積薪滿眼長安胡馬塵

觀唐薛調劉無雙傳戲作劉無雙歌

劉家無雙妙春華雙眉楊柳臉蓮花父母衣裳惜不嫁
黃銀慶繡鴛鴦紗涇原軍動霜刀起灞漣塵揚奔騎止

宮闕迴兵掃荆棘掖庭數罪輸桃李富平押衙老有心
句曲道士藥如金氈車開幕望陵樹綵筆擘牋聽苑禽
一時刎頸空來送中路贖骸還掩慟收魂召魄秦地愁
說姓藏身楚鄉夢古今俠者天下聞當風漉血即功勲
手標長劍重死許薄命佳人淚零雨

東夷倭人小摺疊畫扇子歌

東夷小扇來東溟粉箋摺疊類鳳翎微颺出入揮不停
素繪巧艷含光熒銀泥蚌淚移香冥錦屏罨畫散紅青

皓月半割蟾蜍靈紫雲暗惹鮫魚腥徐市子孫附飛舲
翫然家世雜梵經文身戴弁舊儀形對馬絕景兩浮萍
殊方異物須陳廷富賈巨舶窺天星祝融噓火時所丁
島濱賣簑送清冷白龍浸皮暑欲醒玉階涵水夜撲螢
蓬萊僊人降輜輶扶桑繭絲結綵綰祖洲芝草釀綠醺
穹龜巨鼈動遭刑海神惜寶轟雷霆鄙夫卧病臨虛局
蒲葵百柄稱使令冰漿蔗液但滿瓶石榻被髮氣自寧
新羅一念終飄零塗脩雉尾吾何銘

題晉劉琨鷄鳴舞劍圖

我行洛陽大道邊一雙蒼鵝飛上天惜哉春水御溝去
化作胡兒飲馬泉前山鷄鳴夜欲半古劍隨身舞凌亂
白光虎躍騰雪霜神氣龍蟠貫星漢望中沙漠衣正寒
舉手顛倒髮衝冠鹿盧蹻動即千里蘭子戲成徒七盤
人生豈無志事往僅有淚疲兵獨困守劇虜翻強鷙孔
融才疎不足多袁紹衆盛空黃河代公土地仍同患段
國風塵漫助戈世間壯士但老死凍鐵沉埋何處使千

秋萬歲青金虬恨不鑄得劉并州

讀書

我病久不出滿牀攤我書困仍枕書卧醒即味道腴上
下千百載繫然猶貫珠夏商既相因秦漢漸不如辭華
日已勝理義幾精麤但要務真實何心成蠹魚古人有
精力常欲開廣塗聖文尚埃滅鉛槧寧復餘誰歟志氣
銳或者事功趨數行史家紙隨作黃土墟吾誠不及此
矯首歎以歔撥書寘牀上所愧為世儒

飲酒

昔我不解飲病來持一觥一觥亦已醉二豎敢相撓忽
然秋毫大況乃泰華輕豈其陰陽足妄使龍虎爭冰蠶
冰為山火鼠火烘城一元本同氣萬物却異情機關有
大運稟受通羣氓轉移苟不定顛倒尚何營百年定幾
時愁賦空餘聲踈蹢起自鑒面目吁可驚試攀松樹枝
復攬芝草莖但當盡此酒不在學長生

黃布幘歌

吳中女兒工治莎織成黃布輕綺羅裁為黃幃四角起
覆我病體清涼多平生受用白木枕人參草席團花錦
長吟或似閒攻戰大隱全勝好官品上天下地我中央
崑崙海水瀉四旁南通炎丘日色熾北委寒壑凝冰霜
彼哉寒凍此炎燬穿透皮膚蒸骨髓招徠獨鶴風有聲
掃退羣蚊月如水流金爍石況可逃磨牙吮血尚叟叟
心煩欲待竹奴熨背癢詎得麻姑搔我曾無術蔭天下
天如穹廬蓋四野困來一覺少行人夢過十洲猶走馬

金匱要略卷二
君不見黃布幃昨日夏去今日秋珍重少陵詩語在微軀此外更何求

夜觀古樂府詞憶故友黃明遠明遠曾作樂府考錄漢魏晉宋以來樂歌古詞

憶昔黃君美如玉老屋青燈雨間宿起翻案上奇詭詞前後千年樂家曲予方弱冠學謳歌去問詩騷法若何偉茲欲繼三百五佗盡蝦蟹此蛟鼉就中齊代及秦楚巾拂鞞鐸爭傳譜清商雅部粲然文騎吹簫鏡雄者武

心力涵泳到手力抄撮來口力有白醖目力無纖埃時
時弄筆便著句花木禽魚古今趣北岸垂綸楊柳枝東
鄰著屐櫻桃樹自此相逢二十春一朝門巷聞生塵淺
殞蓬蘽凍螳噉荒廬寂寞妖狐嘯人世本無金石壽簡
編零落安能久藝文著錄數百家一二僅存誰不朽一
二不朽終崢嶸歲遠寢恐山淵平嗟君尚愛古樂府夜
半松風知此聲

觀唐沈玠續仙傳

手展仙書向此朝起予俗病對芭蕉室間半夜雲璈動
品縫千年雪髓消閒說茅龍騎太白賸聞木鶴降仁嬌
秦車漢輦窮天下望斷蓬萊併寂寥

華山仙子紫絲盛露囊歌

華山西望屹蒼空甘露曉降栢葉中紅繡絲囊挹在手
赤松鶴馭翩長風太平天子千秋節花萼樓前百觴撤
鑿珀含光映凍酒紫霜結液涵甜雪問囊經緯何所成
桑洲蠶繭五色明問囊噓吸何所似栢觀銅掌抗高莖

誰歟獻螢弄輝燿或者貢雲合溟漠神仙可學僅沾濡
壽祿無期還笑樂古來服食乃若茲一掃穢濁餘肝脾
啖蛤踞龜何處覓伐毛洗髓到今疑秋月泓泓露泚泚
華山玉漿起人死彼哉醉胡彼渴羌朱顏綠髮安得常
諸暨張敬仲家有太一真人蓮葉舟及海上人槎
二畫軸胡允文題予亦效作二首寄之

華山青蓮搖上清白玉巨藕浸碧泓太一真人來降精
黃鬚紺髮浮滄瀛手披素書悄無聲坐喝明月逆雲行

蓬萊駕羽颺風輕宛渠垂螺島雪縈菱荷裳衣挾仙瓊
魚鼈腰御神媧迎大游小游按層城君棊臣棊鎮威寧
九宮五福莽縱橫祠官脩俎靈爽呈闕殿留鑠光獄爭
橈槍遁芒天路平蛟龍捧趺溘上征夕金校雛鬱萬嶸
藜杖吹煖奪目晴扶桑暘谷曉曜赭龜臺石室暮飛雲
東公西母擁廻旌望中滅沒忽若驚海祇稽首西南傾
曷不從之學長生

瑯琊臺上望海門西厭瀕洞尋河源神濤八月吐復吞

靈槎萬里擁蛟鼉風號雨蝕硬輪囷苔封枝節蟲蟻根
海人愛竒踏飛掀瓊纓玉弁秋續緒乾精熟脯歲饗殮
黃龍叱作蜃蜃犇天吳拔首懼却蹲前窺倒影放光燉
高攀鐵鎖拓藩垣彼牽者牛孰烏犍彼織有女孰婢媛
箕斗龜鼈蕩若噴雷公霹靂慘無魂老石支機類瑤琨
客星犯漢極怪惛周伯蓬芮歷劫存剛臆浩氣蕩爾痕
上帝馮怒罪厥聞叱下直瞰扶桑瞰蜀莊大笑手欲捫
及早來歸到崑崙

憶寄方子清時子清久留吳中

一別嗟何處相思撫舊蹊月明施瀨北雲起蠡巖西跋
涉舟車動過從笈篋携隣光因借燭道味肯吹壘好學
螢分照論交雁擇栖丘園心辟荔海國氣鯨鯢卷帙籤
翻蠹謳吟硯發蠶經筌參老易樂府錄銑輦治法推周
稼淳風仰漢綈談玄知野馬考字守家雞土域標韞象
天圖辨煇鐫遺文多廢墜妙契極端倪獨樹盤桓久平
蕪眺望低霜林紅玳瑁霧雨碧玻璃屏跡依狐兔銷愁

對鷺鷥塵書投梵火美餉挈童觸榭葉時遮峒藤梢或
冒谿龍居覩雪瀑虎路躡霞梯出入恒聯袂追隨幾杖
藜竹山香嶺嶠花島繡湖隄尚義開黌始延儒振席齊
生徒脩棗脯祭品投蒹蕹錦石看還數蒼松倚却題吾
伊朝屢集渾灝夜同稽自謂菖為獸人疑穀似稊中悵
真抑鬱外物總空蹄歲序空流邁濤波益慘悽故袍寒
擘繭雄劒滑膏鵜綠映牽帆水紅黏曳屨泥娃宮釵鈿
拾甫里筆牀齋鶴市歌喉引鱸鄉鱸手挽吳趨誇粉黛

越產購珠犀富業連橙園苗霖滿稻畦占歸仍浩渺結
客重酸嘶彼此身如寄參商夢欲迷蓬飛甘掃軌桂落
得通閨俠眼收丹電仙襟化素霓貧期金埒騁賤許玉
階躋病夫長憂痼閒哉敢恨睽剪除須爾鐫磨刮更予
篋本欲晞王貢茲猶慕阮嵇猖狂疏奏牘輒弱謝畊犁
習靜求神悟超羣畏俗擠清琴乘有鯉鉅弩蹠非鸛教
駕傳銜轡觀隅識椽杓鋤芝鰲受謫抱璞荆聞啼性命
緣窮鬼功名屬壁奚悠悠驚與鳳泯泯鹿將麕白谷今

安駟青霄古執珪毋寧枉隱逸辛苦等黔黎

梳珠伎

梳珠聞自宮掖來長竿竇梳手中迴日光正高竿影直
風力旋空珠勢側當時想像鼻生葱宛轉向額栽芙蓉
筋頭交筋忽神駭矛葉舞矛憂技窮昔人因戲存戒懼
後人忘戒但戲豫漢朝索撞險還愁晉世梧梓危不寤
徘徊徊奪目晴歌歌傾傾獻玉璫滑涎器從龍堂出
輝燿命與鬼骨爭君不見王家大娘材藝絕勤政樓前

戴竿折市人譁笑便喧城驚動金吾白梃聲

宋度宗御書福王慶壽宮扇

漢家諸侯奉大統會稽故邸王封重歲周甲子壽筵開
賓客滿堂宮扇來掖庭嬪御侍圖史聖筆逡巡鸞鳳似
清風外撲龍阜花明月中涵鏡湖水南國為家日已微
禮官考禮是邪非前殿君臣朝玉笏後宮父子曳珠衣
火德盛時尚有扇金商振處無兵戰兵頭老鐵化降雲
扇底生綃沾淚霰自從一萸息婦原恨身不見孝崇園

越州司戶眉勝雪舊篔簹淒涼那忍說

方景賢宋景濂夜坐觀吳中雜詩遂及宣和博古

圖為賦此

壯歲何心老一儒東游飽食有江鱸詩宗鶴膝蜂腰體
禮象龍頭豕腹圖三士操琴知爾達八公遺藥忍吾臞
吳中勝處多朋故話盡寒宵燎葉爐


寒夜憶吳伯雍摘阮寄歌

錢唐吳肅善四絃始平太守舊曲傳晉人風流百世後

鏗我手指抱膝前鄒嶧孤桐斲美玉神螭拔首蟾嵌腹
壓桑繭韌冰色絲孔翠翎敷錦香褥一摘再摘秋風微
三摘四摘秋月嶺頭輝五摘徘徊南國泣楚女歎湘妃
六摘揄揚古調韶咸象箭聽來稀七摘八摘復九摘乾
旋坤回羣龍百怪盡屏跡高如海門潮水飛霹靂遠似
天河瀉出大荒零數滴驟如昆陽戰鬪犀象虎豹股栗
亂投檣緩似勾曲燕飲雲琰洞簧宛轉降瑤席恍兮清
角惚流徵騶虞伐檀鏘以起悽兮號鐘膠韻泉折揚黃

琴空嗑然信哉阮咸出入琴瑟造此法豈用蓬萊海上
艤棹萬里求成連妙得伶倫律呂玄中玄粵從東都官
大子洛陽焚燒到鐘簾杜夔柴玉各有主宋識擊節餘
歌舞西朝荀勗親校來杜夔舊律多不諧阮咸却趨太
樂論新律樂節高厲民風哀當時謂咸神解勗暗解土
中玉尺短一米古來成均雅樂竟沉沉韋爾故冢阮琴
傳到今嗚呼今樂與古樂辟雍老儒悲絕學桑濮巴渝
日已繁翕純皦繹俱緜邈南風久不生鳳凰久不鳴斂

君四絃我耳清天下耳根無正聲



淵頴集卷二